

古尊宿語錄卷第三十

多六

僧錄司右闡教兼鑑山靈巖禪寺住持 淨戒重校

龍門佛眼禪師語錄之二

上堂僧問古者道諸佛不出世四十九年說
諸佛既不出世為什麼四十九年說師云你
疑來多少時也進云祖師不西來少林有妙
訣祖師多六既不西來為什麼少林有妙訣師云
知恩者少負恩者多進云恁麼則一人傳虛
萬人傳實師云虛處作麼生傳來進云任從
滄海變終不為君通師云礼拜著師復云始
自隻履西歸卷衣南邁空閒消息流落人間
古往今來遍相敬受大似一人傳虛萬人傳

寶山僧病多諸藥性年老變成精不是剗剥
古人免見互相埋沒諸人應是從前覺觸往
日見知從人邊請益得來言語中卒時中的
出入遊戲則不無究竟真實大事萬不可得
但能情亡理喪計盡途窮無施設更用心正
是作功夫慶山僧尋常祇道喫茶去今日也
道喫茶去會盡諸方五味禪何似山僧喫茶
去上堂擬思量何劫悟不思量終莽鹵欲
思不思踏破時萬里無雲常顯露常顯露妙
用恒沙非旦暮諸禪伯正好休征罷戰永息
干戈傍水依山成就大事況是人生易老壽
命幾何或若生死現前畢竟將何支準不見

古德道若不安禪靜慮到者裏撻湏忙然久立。上堂來來去去來時去去來離覺知了得去來無星碍方知塵劫不思議所以來無所來去無所去來之際生死照然前念生是來後念滅是去求其來去了不可得乃至前生後生今年去年更無絲毫遷變之相如斯會得始絕去來但以衆生背脊合塵去來輪轉苟能洞達復有何事昔石頭大師一日問龐居士子近日如何居士曰卒說不及乃呈一頌曰用事無別唯吾自偶誦頭頭非取捨處勿張乘紫誰為号丘山絕點埃神通并妙用運水及般柴石頭默

然許之後造江西問馬大師不昧本來人請師高著眼大師直下觀士云一等沒絃琴唯師彈得妙大師直上觀大眾若不是馬大師被他一問百雜碎諸人喚什麼作本來人若無本來人作麼生眼見色耳聞聲種種施為運轉諸人還見本來人麼如今盡道本來人

多六二

無形無相不曾着衣喫飯不生不死如此會得爭合本來人要知麼諸人總是本來人一段生死變化煩惱無明又如何消遣听取一頌與子偕行今日路如君共看本來人同名同姓同形段無死無生無色塵畢竟如何切忌喚作本來人下座上堂率僧問洞山初

和尚如何是佛對云麻三斤大眾有恁一件
事何故無人知得洞山見人不知了遂自頌
曰七寶畫牛頭黃金為點額春晴二三月農
人皆取則寒食好新正鉄錢三四百諸人者
此一轉因緣盡謂龐言及細語皆歸第一義
又云臨機應用一切尋常如斯會解埋沒古

人要見洞山老子麼鴻鵠一峯千里飛鑽雲
鵠子與天齊鳳凰不是凡間物為瑞為祥自
有時久立 師到真乘請上堂真乘奉石

亦知龍門山僧與真乘長老又此一衆禪和
摠有分付處山僧未離本院不到此中時真
乘無一人龍門長老山僧離本院度荒山來
到真乘諸人一一相見此間有一人龍門長
老若有一人龍門長老於法成增若無一人
龍門長老於法成減減故落斷增故落常既

之人隨情起解情解既起名相是興言竟兩
忘十方咸暢豈不見適來堂頭已普告大眾
如何更令山野稱提蓋為妙旨幽深人難洞
達何也既知咫尺之間為什麼却道不覩師
顏既言遍界遍空如何更云不曾藏覆還見
落節處麼若見得便見石霜老子雪峯大師
多六
三

憶斷常豈云正見一似上座未出家時無一人上座既出家後有一人上座你諸人如何裁斷得心地安樂去還裁辨得麼向此有个入更更有什麼事也或若未明良久曰不解作客久立上堂獨自坐方信西來有達磨獨自行不用紅蓮足下生獨自語分明向

誰誰肯許獨自參剎刹塵塵示指南相逢相問窮端的莫道山僧解放愁 端師翁忌
辰上堂昔人已乘白雲去此地空餘綠水流
綠水一去不復返白雲千載空悠悠湖南舊說老楊岐失却金毛師子児江北江南無覓處龍門今日順風吹順風吹囉哩水急風

高下釣磯上堂鳥從空裏飛人向心中住人死心宛然鳥沒空何預人生一過鳥此心實可擬但自了其心無勞問來去所以須菩提問世尊云何住世尊答曰如是住外生胎生濕生化生有色無色有想無想等皆令入無餘涅槃而滅度之而實無有一衆生實滅

度者還會得麼三界方法實無絲毫生滅動靜之相祇由迷此決定惑為色身之内所以箕礎名色領納曰受思惟曰想迂流曰行分別曰識皆由自心之所成立為不知此名為五陰遂成色心二法不見道照見五蘊皆空度一切苦厄現前五陰之身為有耶為無耶

若能如是見得實無生死等事或未然者豈
無去來有一則無生死因緣率似大眾昔漸
源同道吾弔慰乃拊棺問道吾曰生耶死耶
道吾曰生也不道死也不道漸源不省後聞
僧念達經應以比丘身得度者即現比丘身
而為說法忽然省得遂至石霜携鉢法堂上
多六

從東過西從西過東石霜曰作什麼漸源曰
覓先師靈骨石霜曰洪波浩渺白浪滔天覓
什麼先師靈骨漸源曰先師靈骨猶在大眾
還見得麼拈起拄杖曰者個是拄杖那個是
靈骨者个是靈骨那个是拄杖子遂卓一下
云長安夜夜家家月影落寒潭幾不知

上堂若論此事如人買田地相似四至界畔
一時分明結契了也唯有中間樹子猶屬我
在大眾既是四至分明結契了也為什麼中
間樹子猶屬他不見道千年田八百主若識
得中間樹子耕鋤任你耕鋤布種任你布種
開花任你開花結子任你結子若無中間樹
子爭喚作常住良久云作麼生自云高處高
平低處低平 上堂云龍門別無奇妙
剛謂單傳心要豈惟淺水無魚撒剔金無孔
瓶二時展鉢開單逐日屙屎送尿万事與人
一般子細看來好笑既是万事與人一般為
什麼稱善知識良久曰我也理會不出

上堂今之叢林天下多有求一人會無情說
法則無莫道會得討一人奉此話亦難得何
也須是曾親聞說法來方可奉示如未曾親
聞縱有幸示抵益塵勞於其慧命無所滋益
大衆會既少幸充難叢林雖有日凋殘若欲
明斯旨應須離念看一人如領解大衆盡心
安既是一人領解為什麼大衆盡心安若不
如此爭出離之門 上堂牽志公曰我五
多六

捫空追閃電知得麼含元殿上更覓長安慈
氏宮中頑生內院 上堂僧問千尺終輪
直下垂一波纔動万波隨如何是一波師云
你尋常如何吞吐僧云如何是衆波師云着
衣喫飯有甚難僧云鈎頭一句請師道師云
你自道取僧云雄雄江上垂輪者竿上時時
有錦鱗師云沒交涉師徒云諸人者無過此
時也長恁麼亦有不恁麼時禪李人道無有
不恁麼時說个恁麼已是不恁麼也恁麼時
名為得念不恁麼時名為失念如今問諸人
為常失念亦有不失念時禪學人道常名得
念時說个得念已是失念了也要知得恁麼

但了取不恁麼時要明得念但識取失念時故先德道恁麼恁麼又云不恁麼不恁麼好奇恠諸高德是以釋迦如來又曰得念失念無非解脫成法破法俱名涅槃地獄天官皆為淨土你等還知得一段真實事否若知得求超終始之患十二時中自然安樂無事也

下座

上堂云不動龍門內行參古佛機親逢渠面目肯詰自容儀凡聖心平等高低路坦夷丹霞燒木佛院主落額眉何故○下座

上堂率六祖大師在大庾嶺頭示明上座曰不思善不思惡正當恁麼時阿那个是明上座本來面目明即大悟大衆還會者

話麼正當恁麼時歷劫不曾迷步步超三界
嶧家頓絕慧 上堂率僧問忠國師如何
是本身盧舍那師曰與我過淨餅來其僧過
淨餅師曰却將舊處著其僧送去舊處身來
問如何是本身盧舍那師曰古佛過去久矣
此一則洪門若非證入莫曉宗猷若縱心猿
終成解會尋常盡道甚麼處不是盧舍那更
不識了再問豈不是過去久矣又道國師自
受用三昧并三若問盧舍那自是古佛過去
久矣又云如何是本身盧舍那良久處好會
取若不委知逐落草向你道與我過淨餅來
如斯解會但姦心猿不見國師云得之於心

伊蘭作旃檀之樹失之於首甘露乃薦梨之園要知麼大陽門下日日三秋明月堂前時時九夏大眾如何是盧舍那_下歸_上堂突_去奈_來上堂昔趙州和尚訪庵主問曰有麼有麼庵主_下豎起拳頭趙州曰水淺不是泊船處拂袖而出又訪一庵主問曰有麼有麼庵主豎起

拳頭趙州曰能縱能奪能殺能活_七礼三拜而去師曰庵主一般豎起拳頭趙州何故肯一個不肯一个且道得失在什麼處趙州自起倒勘破多少阿師庵主坐斷要津過了幾多寒暑要識趙州麼拍禪牀右角云識取趙州要識庵主麼拍禪牀左角云識取庵主還有人點檢得失處出麼良久云易開終始口難保歲寒心下座吳居士請上堂身是佛身須信六根清淨行名佛行故知三業圓明身淨則垢無所生行明則暗無所起垢生由乎迷津津作垢而莫覓莫知暗去必由得明明即暗而難信難解所以諸聖常加披群衆六

生自棄遺苟易慮於可作之初革情向悞為之後親開智鑰仰和慈闡他心慧眼以洞知重罪宿冤皆可憐菩薩悲願遍界娑婆衆生哀投無不冥感是知明暗共躋垢淨同源凡夫有成佛之期大士有度生之分苟不如此万善徒吳公達居士與如道人洞明泡幻了

悟淳生共入山來究明斯事今晨請山僧陞座說法記得昔日裴休訪華林和尚問曰師還有侍者否林曰有一兩個休曰在什麼處林乃喚大空小空時二虎自庵後哮吼而出休覩之驚悸林語二虎曰有客且去二虎哮吼而去休問曰師作何行業感得如斯林乃良久曰會麼休曰不會林曰山僧常念觀音大眾會他此个意旨麼常念觀音力伏猛獸道眼通明萬緣何有良哉大士時時垂手念茲在茲安樂長壽下座上堂永嘉一宿而悟遂曰幾回生死生死悠悠無定止自從頓悟了無生於諸榮辱何憂喜大眾說

有生死亦是言詮說無生死亦是言詮既涉言詮則是事迹且事塵易顯理妙難彰故言近而言遠如何以至近之言明其至遠之言不其難哉先聖道得言忘言遺卒觀理後人不時便乃卒外尋理言外求言譬如以手撮摩虛空徒自疲勞終無所益要知得力用意處麼須即事無事即言無言悟入方親解會不得若如是隱顯施為神用難測也不見僧問首山如何是佛法大意首山曰楚王城畔汝水東流便有人悟去歸堂上堂五色燈光青所成但除其青莫除塵若言本眼何曾青乃是臨河渴死人

上堂紙宜說一句有人會得去猶較些子或若無人
會得山僧却成妄語思量了不如且休各自大宋堂
中喫茶自由自在免得他時異日被人覬破何也將
軍自有占聲在不得封侯也是閑喫茶去下座

上堂奉南泉和尚謂衆曰王老師賣身去也
有人買麼時有一僧云某甲買師云好一貞
禪客南泉曰不作貴不作賤你作麼生買其

僧無對師云噦笑殺人有數尊宿爲此僧著
語趙州道明年與和尚作一領布衫一人道
成何道理一人道和尚屬某甲後來雪竇道
別處容和尚不得大衆許多尊宿爭頭競買
也要運出自己家財王老師交閔未成不敢
胡亂分付者般行貨古今亦少見之龍門今

日亦賣身去也然則有貴有賤賤則分文不
直貴則金玉難借你買也屬你你不買也屬
你若識得龍門龍門與你作道伴有人處無
人處起心動念揔知得你善則令汝行惡則
令汝止縱經三塗歷八難一步不相捨離常
與你作道伴你若不識龍門龍門與你作冤
家教你出家使汝行脚令汝尋師遣汝躰究
遂教你不會令汝忙然令汝求覓解會令汝
巧作道理遂令淨妙國土而作土石山河當
樂法身而作無明煩惱成不自在常生退失
一步不放捨常與你作冤家大衆龍門屬你
諸人來多時識得是道伴不識是冤家還有

人明得此首麼乃拈柱杖點一下曰一道伴
二冤家通逆順徧河沙眼是空羈是花得龍
門道無涯遂放下柱杖曰少賣弄帰堂去
上堂臘月扇子功勲絕浩浩涼風動寥沈豈
止炎蒸六月天輒時與君解煩熱下座
五祖和尚到上堂曹溪大師傳衣_九歸嶺南後
_{多六}來讓和尚得法授與馬大師馬大師接得百
丈百丈得黃蘖黃蘖得臨際臨際得呂化呂
化得南院南院得風穴風穴得首山首山得
汾陽汾陽得慈明大師慈明大師接得一人
楊岐和尚如今奉他得底事看此老子云我
者裏如閻市裏上竿子相似是人皆見瞞你

眼得麼楊岐老後來接得端和尚一人此老
子曾住此山來有頌曰海底珠動時雲中月
還現涼夜無狂風清光都一片端師翁後來
接得先師一人先師有言曰祇從咬破一個
鐵餃餡直得百味具足此老子所以一生口
硬好說硬話伏自先師付囑之後大法傳持
以來末後東山一時分付今五祖堂頭和尚
此日幸對人天廣衆請不恪慈悲重為顯揚
使先宗有據吾道益明莫不大幸

_{上堂}諸人未到龍門山將道龍門在世間既到龍門心
自在松林拂拂水潺潺諸人還識龍門山麼
若也不識未免山青水綠百年光陰能有幾

許未回光達本已前都成夢幻遂拈拄杖云
大道衆生造罪造業三世諸佛成佛作祖盡
在山僧拄杖頭上諸人還見麼卓一下云百
難碎了也復展手云把將來毫許來又卓一
下云手執夜明珠幾個知天曉下座
上堂辭易同攔辨者嗤薰蕕共處須芬郁諸
仁者得底人終不自異於人而從前千聖悉
所林讚實有異於人處譬如二人同胞胎共
父母同舍同學同一師授至於飲食語言之
間悉無有異一日同入試院同一題目而一
人得第一人落第及第者永異民庶落第者
乃是常人是二人初無改易而貴賤高低有

異恰如得與不得初無有異而一人得之位
齊諸聖一人迷之遂作凡夫人雖不殊迷悟
遼遠大眾可不驚怖者哉所以香林和尚云
老僧二十年前見與我一般一輩人盡皆得
道我日夜思量他得个什麼便如此去我二
十年中常看後來也得恁麼你看他先德苦
切之言實可取信豈可守株徒喪日月各宜
多六躬悉已後也須得去不勞久立下座
龍門三月半大鼓聲喚喚得一時來特地
生迷亂大眾既是喚得一時來為什麼特地
迷亂此段好因緣諸人怎生斷不解斷轉
達若解斷較一牛良久曰因緣一段無人

斷留與諸方共斷看

上堂收得本名度

牒踏遍自己山川聞有龍門長老走來學道
參禪恁麼惺惺漢子如何立地瞌眠忽然睡
醒眼開元來天生自然師乃失聲曰噫討殺
我討殺我皇天皇天尋殺我雖然如是知是
般事便休直須運出自己家財莫自拘於小

節參堂

上堂且道山僧即今還有為人

處麼若有為人處即埋沒山僧若無為人處
即埋沒上座彼此出家兒莫遁相埋沒好要
知麼山僧將你本分事奉似你諸人何不於
你本分事上識取識得麼若道便是某甲本
分事也如向眼睛上下一針相似若道我雖

有本分事實未了知你又披什麼衣服大眾
既是恁麼人識取恁麼事久立又奚為珍重
上堂僧問納須弥於芥中擲大千於方外衲
僧門下揔用不著學人欲使泥牛耕巨海須
彌駕鉄船師還許也無師云十字縱橫一任
行取僧云踏破澄潭月穿開碧落天師云猶
多六十一

未知衲僧分上事在僧云有意氣時添意氣
不風流矣也風流師云洪州腰帶師徒云春
光漸盡夏景將臨悠悠之後貪生過日我今
日問你諸人從早至夜念念不住是有思量
是無思量人人必謂是有思量我且問你作
麼生思量何不識取你諸人思量了隨而與

作運為也我問你作麼生與作何不識取你
諸人於與作時起種種言說且作麼生言說
何不識取都緣是自家先迷了紙管隨處流
浪所以道道源不遠性海非遙但向己求莫
從外覓覓即不得得亦不真如在虛空退至
何所還肯麼你諸人在我者裏或轉經冬夏
或久涉炎涼若到別處人問龍門事不可指
東劃西亂有所說却成欺罔也各將為事各
將為事因成四偈思無思思萬邪一正不識
玄旨徒勞念靜作無作作貢色通聲水中盐
味不見其形言無言言不費脣舌未說之法
林中之葉龍門潦倒告報諸人既然如是何

故因循 賢席頭納疏上堂一葉飄飄水
上嶺姑蘇春色照岩扉坐禪片石重來看却
笑山雲拂薜衣所以沉空滯寂之士名為會
著小乘混世同塵之人謂之圓通之侶不捨
道法而現凡夫幸豈是植種於空現前日用
是大總持門一一親得其力如斯之有幸可
量哉昔日黃梅散席道在老盧坐折連床湖
南寂盛古今榜操作者同知進止合儀動靜
可法況龍門新與保社意在求人衆手淘金
誰是得者有麼有麼令人恩百丈解踏馬駒
行參 上堂杜順文殊事可知定光如來
老大隨張三李四何王趙問你渠今是阿誰

鄧市賣魚忘進趣案頭分肉露全機男兒鎖
子黃金骨苦痛無明墮汙泥結夏上堂
登龍門下無凡客不假風雷自有奇三月進
修從此始經行宴坐可思議三月安居九旬
禁足稟如來之教旨乃釋子之清規橋約津
梁人間天上或垂手入鄧者未嘗離於此座

多六

土

觀心入定者亦常遊乎十方此豈可以有心
知豈可以無心會苟能如是何生而不護何
足而不禁覆被萬靈廣益群品或不由斯道
者吾未如之何也下座上堂今時學者
不究佛語祗究祖師語殊不知祖師語即是
佛語莫如此揀擇却成謗佛法去抵如雲門

大師示衆曰人人盡有光明在看時不見暗
昏昏作塵生是光明自代云三門佛殿廚庫
僧堂又云好事不如無者个是祖師語是他
道三門佛殿廚庫僧堂諸人尋常看時是看
是不看若看他道看時不見暗昏昏如何得
成光明既是光明了又道好事不如無作麼
生又不要去且如楞嚴會上說个晦昧為空
空晦暗中結暗為色色雜妄想想相為身聚
緣內搖趣外奔逸昏擾擾相以為心性一迷
為心決定惑為色身之內不知色身外泊山
河虛空大地咸是妙明真精妙心中所現物
者个說話甚是子細且道與雲門道底事相

去多少莫祗明祖師語不究佛語有人曰我亦不用佛語不用祖師語終用自語祖師語佛語尚不要更用自語又道我宗無語不用言語有語尚不是況無語耶莫作夢從朝至夜佛法作一邊祖師語作一邊有語作一邊無語作一邊妄想作一邊無妄想作一邊若

多六

十三

恁麼真可謂看時不見暗昏昏也久立

上堂十方世界龍門寺大地山河是學徒隨順衆緣成解脫筭來全不費功夫
上堂莘僧問趙州學人乍入叢林乞師指示趙州曰喫粥了也未僧云喫粥了也州曰洗鉢孟去其僧言下便悟大眾山僧今朝喫粥所

也洗鉢孟祇是不悟既是為善知識為什麼却悟還會麼豈可喚鍾作鑊終不指鹿為馬善人難犯水銀無假冷地忽然覲破官取一時放下上堂龍門若為作端午打動衆人塗毒鼓觸體破後遣誰聞鑒覺盡時敢言普是謂南山鼈鼻蛇好個大雄白額虎可怜開

眼覓眼人赫日光中尋入路

上堂飄飄

颶颶楊柳花紅紅赤赤遠天霞屈屈曲曲龍門路僻僻靜靜野僧家尚不心頭懷勝解誰能劫外筭河沙休糧方子齋兼粥任運還鄉苦澀奈奸大哥喫殺去上堂七七四十九面南看此斗死去興生來泥牛大哮吼所

以釋迦老子未離兜率已降玉宮未出母胎
度人已畢如此則毗盧境界止在人間涅槃
妙心更於何覓昔日那吒太子折肉還母折
骨還父然後現本身運大神通大衆肉既還
母骨既還父用什麼爲身學道人到者裏若
見得去可謂廓清五蘊吞盡十方听取一頌
骨還父肉還母何者是身分明取山河國
土現全軀十方世界在裏許劫千生絕去
來山僧此說非言語下座

上堂撫掌

法爾天真好豈不見大庾嶺頭曾趕上少室
岩前立到腰豈得不遇於人好大哥喫茶去
多六
下座行者剃髮上堂山僧因而度得小
師一人遂拈起拄杖示衆曰見麼法名崇木
俗姓葛良久云爾既殺吾出家今爲汝受三
皈五戒乃曰崇不皈依佛皈依法皈依僧已

為汝作三皈今為汝翻十邪受五戒汝當听
受所謂身口意也身有三過謂殺盜婬意有
三過謂貪恚癡口有四過妄言綺語兩舌惡
口作此十者名為十惡無此十者名為十善
汝今於三業門中稟受戒法所謂不殺不盜
不妄不婬不飲酒是五戒相汝依吾教信受
奉行復卓拄杖一下曰崇木聞吾教訓乃告
吾曰和尚所說但崇木從來無身口意亦不
知何以為持犯綱聞三皈我不知何者名佛
法僧聞五戒相從何受持雖煩和尚如此崇
木並無領覽處師放下主丈曰此真吾弟子
也是真皈依也真受得戒也所以昔人云和

尚何不畜一沙弥老宿曰有無眼耳者為吾
尋一人來正是此意也好得力小師大眾會
得否拈起丈文曰扶過斷槁木伴歸明月村
久立上堂總別同異兼成壞祇是山僧
與衆人高廣須弥入芥子無邊刹海在微塵
蓋後夜秋後春境寂心融事事真七寶大車
既如此多六十五去來語默莫因循禪和子聞說了呵
呵大笑道我會也我會也師乃呵呵笑曰你
會也且道西天那蘭陀寺後孤峯頂上如今
有什麼人在彼中修行見麼見麼下座上
堂趙州道个洗鉢去其僧豁爾知歸鳥窠吹
起布毛侍者當下得旨為後是就伊明破為

徒是吐露向伊亦不是就伊明破亦不是吐露向伊大衆會麼本有之性為什麼不會為四面辨和尚挂真虛空無相不拒諸相設輝寶鏡無形豈礙群形頓現相與形而常偽空與鏡而常真故即偽即真不生不滅大衆或若虛空頗消殞寶鏡不臨臺光境俱亡後是何物六十三年即且道即今四面老子在什麼處遂拈起真云生涯何所有今古興人傳上堂夏已半山中早晚不甚熱知事毗贊外無恙首座大衆康休西庵首座旦暮流慈法樂無量山門内外雍肅表裏安裕涅槃山法性海豈容取證造詣擬議於其

間我在夫山僧與諸人登高而屢深不可坐取安佚而無所得也各宜悉察昔有一禪客親近一老宿甚勤老宿每見來即揮手曰未在未在且去如是經久其僧中夜思惟曰並不蒙一言開示極嘵道我未在教我怎生柰何思量來思量去忽然省得歡喜無量至明日上去見老宿老宿則來便點頭曰是也也大衆者个便是達磨大師所傳宗旨且如何便見得良久曰誠誠鳥守空池魚授脚下過誠誠不知歸堂上堂達磨大師入中國至今幾千年得其道者甚衆領其首者實多大似一人博虛萬人博實大衆流言止

於智者諸人三十年後莫道見龍門來上堂先聖道法性海中親認得豎起拂子云還有認得底麼良久曰認得也在法性海中認不得也在法性海中大眾既惄在法性海中何故却有認得認不得且道此理如何每常兄弟道何處不是法性海山僧直是不肯

多六
上六

承覽亦超絕四海五湖人勿謂真機泄上堂昔仰山夏末札拜鴻山漏山問曰子今夏作何所務山云開得一片田種得一籮糞鴻山云子今夏也不空過仰山却問和尚今夏作何所務漏山曰晝日一浪早晚一粥仰山云和尚今夏亦不空過言了退後吐舌鴻山云子何得自持白刃斷其命根仰山拂神便出大眾鴻山父子尋常相見遊戲神通不同小小還有知得底麼若無山僧與諸人說人道法性海中親認得去莫將閑學解埋沒祖師心解夏上堂尊者憇陳如九旬昂親切老少幸相依上下皆歡悅瞻聽離聞見

爲亡僧下火幾度曾經恁麼來者回又是入天台一堂道侶同相送珎重峨嵋下五華遙下大云過辣辣多六上堂近日亡僧遷化此一則因緣有人會得麼大凡參學須見生死根源生死若有則不明道生死若無又作麼生無得多見時流錯會妄作主宰今日試牽

先聖兩則語證驗今人錯處祇如臨際和尚示衆曰有一無位真人常在你等面門出入未證撿者看如今一氣支斷便乃爛壞虫生面門出入無位真人此時作麼生主張既無可主張古人因緣又作麼生消殺古人又道你去父母未生時明取你本來面目諸人如

全盡是父母生後所有許多時行住坐卧施為運用却分付何人若無分付處古人語又作麼生消殺莫是不干此身之事任生任滅直明本性否莫錯會且如厭身如桎梏耽智如雜毒出三界了尚稱名羊鹿之人見身心無起滅無内外不住不去不取不捨平等趣

入故名大乘根機者來亦祇為明生死之道諸人未了生死疑情參學有什麼是處要得省心力麼但明取若身若心若外世界種種變化悉由何裝現須是一得了始得迷情不現說得恒沙不了後並無用處達磨大師曰吾本來茲土傳法救迷情一花開五葉結果

自然成可謂無承道人也。歸堂喫茶去。
上堂僧問德山如何是宗門奇特事。山曰：我
宗無語句。寶無一法與人。師曰：漏逗了也。僧
問雪峯和尚見德山得个什麼便歸來。峯曰：
我當時空手去。手歸師曰：漏逗了也。睦州喚
僧僧曰：擔板漢。師曰：漏逗了也。一漏
追二漏。追三漏。追用意。撓前先在後。莫於佛
祖結冤親。好看衣珠常離垢。家中人闔頭走
淮南。笑殺龍門叟。有人若會笑。因由眼似銅
鈴。膽如斗。阿呵呵。歸堂去。郭公朝散施

木平不契。遂問盤龍。龍曰：移舟不辨水峯掉
即迷源。木平遂於言下大悟。後住木平。李王
詔至金殿。問道於他。法眼有偈曰：木平山裏
人兒古言後少相看。陌路同論心。秋月皎瓊
納綠非垂助。歌聲有鳥城郭。今日來一漚。曾
已曉誠哉。是言也。作麼生明。他向盤龍言下
悟底事。多六若有人問龍門一漚未發時如何。龍
門寶難吐。露良久逐曰：一漚未發時。寶蓋向
空垂瑞色。飄飄起香風。颺颺吹何勞。輕牽拂
十八末不假略揚眉。五百曾親獻。如來印可之。昔日
毗耶離城五百長者子。各持七寶蓋。來詣佛
所。佛之威神令諸寶蓋合成一蓋。遍覆三千。

大千世界諸人還信得及麼非但古人今諸人皆有此一蓋還曾窺覲得著麼若窺覲得著步步莫非玄路言言尽轉法輪其或未然山僧雖老拙實蓋助宣揚久立

古尊宿語錄卷第三十

多六